

Contas económicas trimestrais de Galicia. Revisión Estatística 2024

Datos correspondentes ao segundo trimestre de 2025

Data de publicación: 29/08/2025

Principais resultados

- O PIB rexistrou unha variación interanual do 2,5 %, tres décimas inferior á rexistrada no trimestre anterior.
- A variación intertrimestral do PIB foi do 0,5 %. Esta taxa foi unha décima inferior á do primeiro trimestre.
- Os postos de traballo equivalentes a tempo completo aumentaron un 1,4 % en taxa interanual. As horas traballadas creceron un 0,4 %.

1. Produto Interior Bruto en volume

O Produto Interior Bruto (PIB) xerado pola economía galega, medido en termos de volume encadeado e con datos corrixidos de efectos estacionais e de calendario, rexistra unha variación interanual do 2,5 % no segundo trimestre do 2025.

A variación intertrimestral do PIB sitúase no 0,5 % (0,6 % no trimestre anterior).

Produto Interior Bruto (PIB) a prezos de mercado. Volume encadeado referencia ano 2020=100. Datos corrixidos de efectos estacionais e de calendario. Taxas de variación


Unidade: porcentaxe

Dato	2024/I	2024/II	2024/III	2024/IV	2025/I	2025/II
Taxa de variación trimestre anterior	0,7	0,7	0,8	0,6	0,6	0,5
Taxa de variación interanual	2,3	3,0	3,2	2,8	2,8	2,5


Fonte: IGE. Contas económicas trimestrais ([descarga da táboa](#))

PIB. Taxas de variación interanual

Unidade: porcentaxe


PIB. Taxas de variación intertrimestral


Unidade: porcentaxe


Fonte: IGE. Contas económicas trimestrais ([descarga da táboa](#))

A demanda interna contribuíu con 2,2 puntos porcentuais ao crecemento interanual do PIB galego. A aportación da demanda externa foi de 0,3 puntos porcentuais.

Evolución do PIB en volume e contribucións da demanda interna e da demanda externa

Unidade: taxas de variación en porcentaxe e contribucións en puntos porcentuais


Fonte: IGE. Contas económicas trimestrais ([descarga da táboa](#))

No segundo trimestre do 2025, o gasto en consumo final dos fogares aumenta un 1,7%, máis que no trimestre anterior (0,3%). O gasto das Administracións públicas medra un 1,7%, o mesmo que no trimestre anterior.

Por outra banda, a formación bruta de capital experimenta un incremento de 3,3 puntos con respecto ao trimestre precedente, acadando un crecemento interanual do 4,8 %.

As exportacións de bens e servizos presentan unha taxa interanual do -1,2 % e as importacións do -2 %.

Compoñentes do PIB pola vía da demanda. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual

Unidade: porcentaxe

Compoñentes	2024/I	2024/II	2024/III	2024/IV	2025/I	2025/II
Gasto en consumo final	3,9	2,0	2,6	2,4	0,7	1,7
Gasto dos fogares e ISFLSF	3,0	0,9	1,6	1,1	0,3	1,7
Gastos das AA.PP.	6,6	5,0	5,5	6,2	1,7	1,7
Formación bruta de capital	-0,2	-0,7	2,4	3,8	1,5	4,8
Demanda interna (en termos nacionais) (*)	3,1	1,5	2,5	2,6	0,8	2,2
Exportación de bens e servizos	0,9	4,8	4,1	2,8	1,5	-1,2
Importación de bens e servizos	2,3	2,4	2,9	2,4	-2,1	-2,0

Fonte: IGE. Contas económicas trimestrais ([descarga da táboa](#))

Nota: (*) Contribución ao crecemento do PIB

No que respecta á oferta, o Valor Engadido Bruto (VEB) de todos os grandes sectores de actividade rexistra taxas interanuais positivas no segundo trimestre de 2025.

O VEB das ramas primarias rexistra unha taxa de variación interanual do 0,1% (3,1% no trimestre anterior). Pola súa parte, o VEB da industria medra un 2,4 %, sendo a taxa no trimestre precedente do 1,4 %. O VEB do sector da construción crece un 6,6 % (6,3 % no primeiro trimestre). O sector servizos rexistra unha taxa do 2,7 % (2,9 % no trimestre anterior).

Compoñentes do PIB pola vía da oferta. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual


Unidade: porcentaxe

Compoñentes	2024/I	2024/II	2024/III	2024/IV	2025/I	2025/II
VEB. Agricultura, gandaría, silvicultura e pesca	4,2	4,1	1,4	2,9	3,1	0,1
VEB. Industria	4,4	4,4	5,1	-0,6	1,4	2,4
VEB. Construción	2,6	5,2	4,8	6,5	6,3	6,6
VEB. Servizos	1,8	2,7	3,0	3,6	2,9	2,7
Impostos netos sobre os produtos	0,7	0,1	0,7	1,0	1,2	0,0

Fonte: IGE. Contas económicas trimestrais ([descarga da táboa](#))

Evolución do valor engadido bruto por sectores. Volume encadeado referencia ano 2020=100. Datos corrixidos de efectos estacionais e de calendario. Taxas de variación interanual

Unidade: porcentaxe



Fonte: IGE. Contas económicas trimestrais ([descarga da táboa](#))

2. Produto Interior Bruto a prezos correntes e deflactor implícito

No segundo trimestre do 2025, o PIB, valorado a prezos correntes e con datos corrixidos de efectos estacionais e de calendario, rexistra unha variación interanual do 5,8 %, catro décimas inferior á rexistrada no trimestre anterior. O deflactor implícito do PIB medrou un 3,2 % neste trimestre.

A variación intertrimestral do PIB a prezos correntes sitúase no 1,2 % (1,3 % no trimestre anterior).

3. Emprego e produtividade

Os postos de traballo equivalentes a tempo completo rexistran un crecemento interanual do 1,4 %, catro décimas superior ao do trimestre anterior.

Postos de traballo equivalentes a tempo completo e horas efectivas. Datos corrixidos de efectos estacionais e de calendario. Taxas de variación interanual

Unidade: porcentaxe

Dato	2024/I	2024/II	2024/III	2024/IV	2025/I	2025/II
Postos de traballo equivalentes a tempo completo	2,1	1,5	1,4	1,4	1,0	1,4
Horas traballadas	2,3	0,6	0,6	0,4	-0,1	0,4

Fonte: IGE. Contas económicas trimestrais ([descarga da táboa](#))

As horas traballadas aumentan un 0,4 % en taxa interanual no segundo trimestre (-0,1 % no trimestre anterior).

A produtividade aparente real por posto de traballo equivalente a tempo completo medrou un 1,1% neste trimestre, mentres que a produtividade por hora traballada incrementouse un 2,1%.

4. Notas metodolóxicas

As [Contas económicas trimestrais](#) son unha estatística de síntese de carácter conxuntural. O seu obxectivo primordial é proporcionar unha descrición cuantitativa e coherente do conxunto da actividade económica galega. Con esta finalidade, elabórase un cadro macroeconómico que ofrece o ritmo de crecemento do PIB galego e das súas compoñentes.

Esta actividade é unha réplica trimestral simplificada das [Contas económicas anuais](#) que, pola súa maior frecuencia de elaboración, permite o seguimento conxuntural da actividade económica. Estas estimacións axústanse aos mesmos principios de coherencia e equilibrio contable que as contas de frecuencia anual e, por conseguinte, ao marco do Sistema Europeo de Contas 2010 (SEC-2010). Pódese dicir que as Contas económicas trimestrais supoñen un compromiso entre o rigor e a amplitude das Contas anuais e a rapidez e oportunidade dos indicadores conxunturais.

As utilidades concretas das Contas económicas trimestrais de Galicia son as seguintes:

- Medir a evolución da economía no tempo de forma continua e coherente.
- Incrementar a calidade do sistema estatístico conxuntural.
- Dado o seu carácter sintético e integrador, identifica carencias, suxire cambios e propón un marco de referencia común, susceptible de utilización por estatísticas dispares.
- Permite estimar modelos econométricos trimestrais, útiles na análise de políticas económicas e na previsión.

5. Definicións, fontes e máis información

Definicións

- [Definicións](#)

Máis información:

- [Contas económicas trimestrais. Revisión Estatística 2024. Oferta, demanda e rendas](#)
- [Contas económicas trimestrais. Revisión Estatística 2024. Emprego](#)
- [Contas económicas trimestrais. Revisión Estatística 2024. Indicadores derivados](#)
- [Principais indicadores económicos de Galicia](#)
- [Matriz de revisións das taxas de variación do Produto Interior Bruto](#)